

FUNZO LA 60

1. Lilikuwa swali gani ambalo Yesu aliwauliza wanafunzi wake?

-“Je, watu husema mimi ni nani?”

2. Wanafunzi walijibu nini?

-Baadhi ya watu walidhani kwamba Yesu alikuwa Yohana Mbatizaji, baadhi ya watu walidhani kwamba Yesu alikuwa Eliya, watu wengine walidhani kwamba Yesu alikuwa mmoja wa manabii waliofufuka.

3. Je, Yesu alikuwa Yohana Mbatizaji, Eliya au mmoja wa manabii waliofufuka?

-La.

4. Je, Yesu aliwauliza nini wanafunzi wake?

-“Mnasema mimi ni nani?”

5. Petro alijibu nini?

-“Wewe ndiye Kristo.”

6. Ikiwa hatuamini kwamba Yesu ni Mungu Mwokozi, tunaweza kuokolewa?

-La.

7. Je Yesu aliwafundisha nini wanafunzi wake kuhusu yale yatakayofanyika?

-Kwamba viongozi wa watu wangemuua Yesu, lakini kwamba atafufuka kutoka kwa wafu baada ya siku tatu.

8. Je, ni nini kilichomfanyikia Yesu mlimani?

-Yesu alibadilika sura mbele ya Petro, Yakobo, na Yohana.

9. Inamaanisha nini kwamba Yesu aligeuka sura?

-Inamaanisha kwamba Mungu ambaye alikuwa ndani ya Yesu aliangaza nje.

10. Je, Eliya alikuwa nani?

-Eliya alikuwa nabii wa Mungu ambaye alikuwa ameishi duniani kabla ya Yesu kuzaliwa.

-Miaka mingi iliyopita, kabla ya Eliya kufa, Mungu alikuwa amemchukua kwenda mbinguni.

11. Je, Musa alikuwa nani?

-Musa ndiye aliyewaongoza Waisraeli kutoka Misri.

-Miaka mingi iliyopita, Musa alikuwa amekufa, na Mungu alikuwa amemchukua Musa kwenda mbinguni.

12. Ni vipi Eliya na Musa walirudi duniani?

-Mungu Baba alimtuma Eliya na Musa chini kutoka mbinguni kuzungumza na Yesu.

13. Kwa nini Mungu alitaka Eliya na Musa wazungumze na Yesu?

-Mungu alitaka Eliya na Musa wantie moyo Yesu kwa sababu ya kifo cha Yesu kinachokuja.

-Wayahudi wengi katika siku za Yesu walikuwa wachungaji.

-Wachungaji wangechunga makundi makubwa ya kondoo.

-Kwa sababu sehemu kubwa ya ardhi katika Israeli ilikuwa kavu, ilikuwa vigumu wakati mwingine kwa wachungaji kupata nyasi kwa kondoo wao.

-Kwa hivyo, wachungaji wangewachukua kondoo wao na kutembea mbali sana ili kutafuta nyasi za kutosha kwa kondoo wao wote.

-Kwa sababu walikuwa wakitembea mbali sana, wachungaji walilala usiku nje viwanjani na kondoo wao.

-Kwa sababu kulikuwa na wezi wa kuiba kondoo na wanyama pori kula kondoo, wachungaji walilazimika kulinda kondoo wao usiku.

-Wachungaji waliwalinda kondoo wao vipi usiku?

-Kabla ya usiku, wachungaji walikuwa wakijenga zizi la miamba au miiba, na kufungua sehemu mmoja kuwa mlango.

-Zizi lilipomalizika, mchungaji angewachunga kondoo wake ndani ya korali, mchungaji angelala wapi?

-Mchungaji angelala katika mlango.

-Kwa nini mchungaji alala mlango?

-Ili kulinda kondoo waliokuwa ndani ya zizi.

-Kwa sababu mchungaji alilala kwenye mlango, alikuwa kama mlango wa zizi.

-Hakuna wezi au wanyama wa porini waliweza kuingia ndani ya kondoo bila kukutana na mchungaji kwanza.

-Siku moja, Yesu alitumia mfano kufundisha juu yake.

Tusome Yohana 10:7

7-Basi Yesu aliwaambia tena, Amin, amin, nawaambieni, Mimi ndimi mlango wa kondoo.

-Yesu alimaanisha nini aliposema kwamba Yeye ndiye mlango wa kondoo?

-Yesu alimaanisha kwamba Yeye ndiye njia ambayo kupitia kwake tunaweza kuokolewa kutoka kwa mauti.

-Kama vile mchungaji alikuwa mlango wa kuokoa kondoo kutoka kwa kifo, Yesu ndiye mlango wa kutuokoa kutoka kwa kifo.

-Kama vile wezi walikuwa nje ya zizi wakitaka kuiba kondoo, Shetani na mapepo wake wanataka kuiba watu wote.

-Kama vile wanyama wa porini walikuwa nje ya zizi wakitaka kula kondoo, dhambi na mauti zinataka kula watu wote.

-Kama vile mwizi, Shetani amekuwa akiiba mababu zako kwa miaka mingi.

-Shetani huiba watu ili kuwaangamiza.

-Kama vile wachungaji walivyowapenda kondoo wao, vivyo hivyo Yesu anawapenda kondoo zake.

-Kondoo wa Yesu ni akina nani?

-Wale ambao wanajua kuwa dhambi yao inahitaji kifo, na ambao wanamwita Yesu awaokoe.

-Yesu anataka kutuokoa kutoka kwa dhambi na mauti.

-Yesu anataka kutuokoa kutoka kwa Shetani na mapepo wake.

-Ni nini kingine Yesu alisema?

Tusome Yohana 10:8

8-Wote walionitangulia ni wevi na wanyang'anyi; lakini kondoo hawakuwasikia.

-Kabla ya Yesu kuzaliwa, watu wengine walikuja kwa Wayahudi na kusema kuwa wao ni Mwokozi.

-Yesu alisema kuwa watu hawa walikuwa kama wezi na wanyang'anyi.

-Yesu alisema nini kingine?

Tusome Yohana 10:9

9-Mimi ndimi mlango; mtu akiingia kwa mimi, ataokoka; ataingia na kutoka, naye atapata malisho.

-Yesu alisema kuwa Yeye ndiye mlango pekee ambao tunaweza kuokolewa nao.

-Kama vile kulikuwa na mlango mmoja tu wa kuingia ndani ya zizi ya kondoo, hivyo Yesu ndiye mlango pekee wa uzima wa milele.

-Watu wengine wanasema kuwa kuna milango mingi kwa Mungu.

-Hii ni kweli?

-La. Huu ni uwongo.

-Watu wengine husema kwamba kuna mlango wa mababu kwa Mungu.

-Hii ni kweli?

-La. Huu pia ni uwongo.

-Yesu alisema kuwa Yeye ndiye mlango pekee ambao tunaweza kuokolewa nao.

-Katika siku za Nuhu, ni milango mingapi Mungu alimwamuru Nuhu ajenge ndani ya safina?

-Mmoja tu.

-Mlango mmoja katika mashua ya Nuhu inatukumbushaje kumhusu Yesu?

-Kama vile kulikuwa na mlango mmoja tu katika mashua ya Nuhu, ndivyo Yesu ndiye mlango pekee wa uzima wa milele.

-Kama vile wale walioingia kwenye mashua ya Nuhu kwa mlango mmoja waliokolewa kutoka kwa kifo, vivyo hivyo wale wanaomwamini Yesu wataokolewa kutoka kwa kifo.

-Ni nini kingine Yesu alisema?

Tusome Yohana 10:10

10-Mwivi haji ila aibe na kuchinja na kuharibu; mimi nalikuja ili wawe na uzima, kisha wawe nao tele.

-Yesu alisema kuwa mwizi huja tu kuiba, kuua, na kuharibu.

-Mwizi ni nani anayekuja tu kuiba, kuua na kuharibu?
-Shetani.

-Kwa nini Yesu alitoka mbinguni?
-Yesu alikuja kutupa uhai, na kutupa uzima wa milele.
-Yesu na Shetani ni tofauti.

-Shetani alikuja kuiba, kuua, na kuharibu kondoo.
-Yesu alikuja kuwapa uzima kondoo.

-Yesu alisema nini kingine?

Tusome Yohana 10:11

11-Mimi ndimi mchungaji mwema. Mchungaji mwema huutoa uhai wake kwa ajili ya kondoo.

-Yesu alisema kuwa Yeye ndiye Mchungaji mwema.

-Yesu alisema kwamba aliwapenda kondoo wake sana hivi kwamba alikuwa tayari kuwafanyia nini?

-Yesu alikuwa tayari kufa kwa ajili yao.

-Yesu alisema kwamba alikuwa tayari kufa kwa ajili ya kondoo wake kuwaokoa kutoka kwa dhambi, kifo, na Shetani.

-Yesu alisema nini kingine?

Tusome Yohana 14:6

6-Yesu akamwambia, Mimi ndimi njia, na kweli, na uzima; mtu haji kwa Baba, ila kwa njia ya mimi.

-Yesu alisema kuwa Yeye ndiye Njia ya Mungu.

-Ikiwa unataka kujua Njia ya kwenda kwa Mungu, basi utamgeukia Yesu.

-Yesu alisema pia kuwa Yeye ni ukweli.
-Ukitaka kujua ukweli, basi utamgeukia Yesu.
-Yesu pia alisema kuwa Yeye ni uzima.

-Ukitaka uzima wa milele, basi utamgeukia Yesu.

-Hakuna mtu anayekuja kwa Mungu Baba isipokuwa kupitia Yesu.